



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Tertium

González Téllez, Emanuel

Francofurti Ad Moenum, 1690

Caput VIII. Idem (a) Lucen. Episcopo, Abbatи de (b) Melon. & Petro Ioanni
Archid. Astoric.

[urn:nbn:de:hbz:466:1-74526](https://nbn-resolving.de/urn:nbn:de:hbz:466:1-74526)

Et infra: His igitur & aliis intellectus, quæ coram Cardinalibus supradictis pars utraque proponere procuravit; quia nobis constitut, supradictam Ecclesiam Sancti Angeli constitutam esse in diœcesi Sabin. de consilio f. n. Episcopale jus in omnibus spiritualibus eidem Episcopo adjudicavimus in eandem, illis dumtaxat exceptis, quæ per authentica scripta eis dignoscuntur esse substracta. *Et infra:* Quia vero instrumentum prædictum, per quod Episcopus supradictam Ecclesiam pretendebat sibi quoad spiritualia vindicare, ad faciendam super hoc fidem invalidum cognovimus, ut pote propter prædicta de jure suspectum: vos ab impetitione ipsius, quoad temporalia ejusdem Ecclesiaz, duximus sententialiter absolvendos, eidem super hoc silentium imponentes.

NOTÆ.

(a) **F**arfæn. Ita etiam legitur in quarta collectione, sub hoc titul. cap. i. & in capite cum venerabilis, de except. ubi de hoc monasterio nonnulla notavi; ibi enim proponitur alia similis controversia inter Episcopum Sabinensem, & monachos Farfenses; non tamen ideo textus ille pars est præsentis constitutionis, ut voluit Hostiensis in præsen-

ti; quia diversa est hypothesis illius Decretalis.

(b) **J. Sabin.**] Joanne videlicet, de quo egi in dict. cap. cum venerabilis.

(c) **Rasuram.**] Juxta textum in cap. cum inter. de fide instrum.

(d) **Non sufficit.**] L. ad probationem. Cod. locati, Cuiacius in l. 20. Cod. eodem titul. posse tamen probatur per iteratam solutionem penitentis.

CAPUT VIII.

Idem (a) **Lucen. Episcopo, Abbatii de (b) Melon. & Petro Ioanni Archid. Astoric.**

Cum dilecti filii F. Aurien. Decanus, nuncius venerabilis fratris nostri Aurien. Episcopi; & Magister Robertus monachus Cellæ novæ, & Abbatis sui nuncius, ad Sedem Apostolicam accessissent, nos eis dilectum filium P. sanctæ Mariae in Via Lata Diacon. Card. concessimus auditorem, coram quo fuit ex Episcopi parte propositum, quod cum idem Episcopus Abbatem sibi lege diœcesana subjectum vocasset ad Synodus, ipse non solum non accessit ad ipsum, immo etiam sancti Petri, & (c) sanctæ Columbae Prioribus, & Archipresbytero Caucy in Aurien. dicæc. constitutus prohibuit, ne ad ipsius Episcopi Synodus accedere attarent, licet etiam vocarentur. Cumque dictus Episcopus, ut saltæ humiliter Abbatem ad bonum obedientiaz revocaret, & vinceret in bono malum, ipse mandasset, ut eum ad statutum terminum in monasterio expetaret, licet Episcopus illuc, juxta quod promiserat, accessisset, Abbatem tamen non reperit, & portas monasterii clausas invenit, nec ad monachos aditus est concessus: propter quod Abbatem suspendit, & monasterium interdixit. Verum cum nec propter hoc Abbas ipse à suo contumaciaz proposito resiliret, nec latas in se, ac monasterium sententias observaret, in eum excommunicationis sententiam promulgavit, quam dictus Episcopi nuncius à nobis petiti confirmari. Cæterum nuncius partis adversæ petitionem ejus non esse admittendam proposuit: quia licet monasterium ipsum infra metas Aurien. dicæc. sit constructum, liberum tamen semper exitit, & ab omni jurisdictione, ac jugo Aurien. Eccles. à tempore sua fundationis exemptum. Præterea eti Episcopus aliquam in eo (quod verum non erat) jurisdictionem haberet; quia tamen Abbas de omni gravamine prius ad Sedem Apostolicam appellarat, sententiam in eum, & monasterium postmodum (d) latam, nullam idem nuncius obtinere assertu firmitatem. Conquestus est etiam idem nuncius ex parte Capituli Cellæ novæ, quod dictus Episcopus Abbatem eorum adeò circumvenit, quod contra immunitatem ipsius Ecclesiaz, ipsis nescientibus, ei obedientiam repromisit. Nos igitur super prædictis per memoratum Cardinalem instructi, quia causa ipsa in nostra non poterat præsenta terminari, ut pote cum nuncius monasterii super procuratione, vel ratificatione literas non haberet, eam vestro duximus examini committendam, disc. v. per Apostolica scripta mandantes, quatenus si yobis constiterit, Abbatem ipsum ad Sedem Apostolicam super hoc, ante-

antequam Episcopus in eum suspensionis, vel excommunicationis, & in monasterium interdicti sententias tulerit, legitimè appellasse; vel monasterium esse à jurisdictione ipsius Aurien. exemptum, eo non obstante, quod Abbas ab Episcopo (sicut dicitur) circumventus, præter fratrum suorum assensum ei obedientiam reprobavit, cùm fraus, & dolus ei patrocinari non debeant, sententias illas judicetis appellatione remotâ penitus non tenere, alioquin faciat eas per cens. eccl. inviolabiliter usque ad satisfactionem congruam observari. Quod si forsitan Abbas ipse in exemptionis probatione defecerit, nec legitima se poterit præscriptione tueri, licet probet se ante prædictas sententias appellasse, nihilominus tamen monasterium ipsum Aurien. judicetis Ecclesiæ subiacere, in cuius diœcesi est fundatum. Similiter eo in appellationis probatione deficiente, si vobis de exemptione, vel legitima præscriptione constiterit, tam Abbatem, quād monasterium ab ejusdem Episcopi, & Ecclesiæ ipsius super hoc impetione penitus absolvatis, & faciat quod decreveritis, per censuram ecclesiasticam inviolabiliter observari, in mandato Apostolico sine appellationis obstaculo procedentes. Quod si non omnes, &c. Datum Lateran. vii. Kalend. April.

N O T A.

1. (a) *Lucus.*] Ita restituo inscriptionem hanc ex Epistolis Innocentii II. editis à Sireto, fol. 28. & literam hujus textus jam retuli in cap. cum inter 17. de re judic. Lucensis urbs est in Gallecia, colonia fuit Romanorum, & Regum Suevorum, & tempore Theodosii Regis Archiepiscopali Cathedrâ decorata fuit, ut refert Loaysas in notis ad Concil. Brachar. 2. Hodie tamen est Episcopalis, suffraganea Archiepiscopi Compostellani. D. Roderico ejus Episcopo, qui fuit ex anno 1189. usque ad annum 1212. ut refert Agapitus Gonzalez in theatro ipsius Ecclesiæ, misla est præsens epistola. De Astoricensi diœcesi nonnulla adduxi in c. 17. de rejudic.

2. (b) *Melon.*] Monasterium hoc de Melon est in Gallecia, duabus leucis distans à Ripavia, in diœcesi Tudensi, ubi Minius fluvius dividit Galleiam à Lusitania: est Ordinis Cisterciensis, quod amplè ditavit Alfonsus Imperator, ut constat ex ipsi charta donationis, quam refert Manrique tom. I. annal. Cisterc. anno 1142. cap. 11. num. 4.

3. (c) *S. Petri, & S. Columba.*] Legendum est *Sancta Comba*, quā duo monasteria sunt Ordinis D. Benedicti, & parent monasterio Cellenovæ, ut refert Yepes tom. 5. chron. D. Benedicti, anno 925. cap. 7. unde Abbas Cellenova recte inhibere poterat illis Abbatibus, ne ad Synodus diœcelanam accederent.

4. (d) *Postmodum latam.*] Ex traditis in c. 2. de appellatione. (e) *Repromis.*] Quo factō si vere exemptus erat, nec proprio monasterio, nec Sedi Apostolice prædicare poterat, ex traditis in cap. cum tempore, de arbitrio.

Acriter agitatum fuit temporibus nostri Innocentii III. super subjectione Celebrissimi monasterii Cellenovæ, Ordinis D. Benedicti, quod construxerat, & ample dotaverat Froila frater S. Rufendi Episcopi Dumensis, in Gallecia, in loco dicto del Villar, & a novo monasterio ibi constructo, dicto Cella Nova, idest monasterium novum. Construxit autem Froila illud, & liberaliter dotavit, ita ut immediatè R. Pontifici pareret, ut constat ex ipsa donationis charta, quam refert Yepes tom. 5. chron. D. Benedicti, fol. 427. Est & alia scriptura fundationis ipsius S. Rufendi, quam refert ibi idem Yepes. Cum ergo tempore, D. Gonzal. in Decretal. Tom. III. Pars II.

pore fundationis ipsius monasterii Celle novæ caustum fuisset, ut immediatè illud R. Pontifici pareret, Abbas ipsius monasterii vocatus ab Episcopo Aurienti, ad Synodum venire renuebat: & causa commissa fuit his judicibus, videlicet Lucensi Episcopo, Abbatii de Melon, & Archid. Astoric. & postea Tudensi Episcopo, & coniunctibus, ut constat ex alia epistola ipsius Innocentii, quam retuli in dict. capite cum electi in. de re judic. Et cùm ob desidiam ipsius Abbatis causam obtinere Episcopus Autiensis, Ovetensis Episcopus ut tertius prædictum monasterium intendebat sibi parere: cujus oppositionis, petitionis que mentio fit in dict. cap. 17. de re judic. ubi notavimus.

C O M M E N T A R I U M.

IN hoc titulo, & Decretalibus sub eo commentariis præcipue agitur de jurisdictione Episcopi in loca religiosa, monasteria videlicet, hospitalia, & limilia, juxta illam partem præsentis rubricæ: Ut Episcopis sunt subiecta; in quibus iure communi fundatam habent jurisdictionem, cùm intera eorum diœceses constructa reperiuntur, capite omnes 16. questione 7. capite monasteria 18. questione 2. capite decretum, capite noverint 10. questione 1. capite cùm persona, de privil. libro 6. nam cùm à principio fine Episcopi licentia construi, dedicari, seu consecrari non possent, capite nemo, de confer. disject. 1. cap. quicunque 16. quæst. 1. capite quidam monachorum 18. quæst. 2. Justinianus in novell. 5. & 67. in princip. & novell. 123. cap. 33. & novell. 131. cap. 7. merito post dedicacionem, & constructionem debent manere sub jurisdictione Episcopi, in cuius diœcesi talia loca reperiuntur. Hujusmodi autem religiosa loca sublunt diœcesano Episcopo, duplice iure; diœcesano videlicet, & jurisdictionis: illud consistit in caschiatrico, synodatico, & procurationibus exigendis, de quibus egi in capite conquerente, de offici. ordin. Lex jurisdictionalis consistit in sacramentis conferendis, in causarum cognitionibus, & in coercendis delictis, cap. accedens, 50. dist. cap. interdicimus 16. 9. 1. cap. 1. 18. quæst. 2. ita ut nullus in illis locis, nisi Episcopus, possit altaria erigere, vel basilicas consecrare. Concil. Hispal. 2. cap. 7. aut

S. 2 virgines

virgines benedicere. Concilio Wormat. can. 8. triplici autem modo possunt monasteria, & loca hæc religiosa à jurisdictione Episcopi eximi. Primo si per Sedem Apostolicam exempta sint, & Pontifici immediate subjecta. Secundo si ab Episcopo proprio facta fuerit iurum Episcopali renuntatio de consensu Capituli, & Sedi Apostolica licentia, cap. constitutus 6. hoc titul. cap. pastoralis, de donat. Tertio exemplo acquiri potest legitimâ præscriptione, cap. constitutus, cum sequent. hoc titul. cap. auditus 15. capite cùm olim 18. de prescript. Prior exemplio valde odio-

sa est, immò non facile concedenda, ut ait D. Bernardus lib. 3. de consider. ad Eugenium. cap. 4. ubi eam rationem adjicit, ne monitrum facere videatur, membra aliter locando in Christi corpore quam dispositum ipse. Unde talis exemplo ut juri communi derogans, strictè accipienda est, cap. ultim. in fine, de filiis presbyt. lib. 6. ne producatur ultra loca ipsa exempta, cap. porro 7. cap. petiuti 20. in fine, de privil. & ideo monasterio exempto non statim parochia, vel capellæ illis subiectæ censentur exempta, capite ex ore 17. de privil.

C A P U T I X.

Idem in Concilio (a) Generali.

NE nimia religionum diversitas gravem in Ecclesiam Dei confusionem inducat, firmiter prohibemus, ne quis de (b) cetero novam inveniat religionem, immò unam de approbatis assumat. Similiter qui volunt religiosam domum de novo firmare, regulam, & institutionem unam de approbatis accipiant. Illud etiam prohibemus, ne quis in diversis monasteriis locum monachi habere præsumat, neque unus Abbas (c) pluribus monasteriis præsidere.

N O T A E.

Exposui, & rationibus illustravi in cap. de multa de prebend.

COMMENTARIUM.

1. (a) **G**enerali.] Lateranensi videlicet celebrata sub Innocentio III. cap. 13. ubi reperiatur textus hic, & in quarta collectione, sub hoc tit. cap. final. Occasionem autem huic constitutioni dederunt heretici Waldenses, alias dicti Pauperes de Luggduno, qui temporibus Innocentii III. superstitionis vivendi modum pro religioso inventerunt, jaçantes se vivere secundum Evangelicam doctrinam; & cum petiissent ab Innocentio III. hanc vivendi formam sibi, & suis asseculis confirmari, & Innocentius renuisset eam confirmare, ceperunt se veros Christi discipulos esse jaçare, & variis erroribus implicari, credentes posse eam novam vivendi formam, ut novam religionem instituire, & observare, ut refert Penna ad Eymericum 2. p. Direct. quest. 14. Quare Innocentius III. in praesenti canone 13. Concili Laterani noviter statuit, non posse novam religionem, seu religiosam vivendi formam in Ecclesia institui absque speciali summi Pontificis licentia. Accedebat turba Ordinum, quibus populus non sufficiebat. Mattheus Paris. ad annum 1258. Tot autem Ordines exorti sunt, quod hi hos, & e converso supplantant; nec sufficit ut consuevit, populus eos plebeis eleemosynis suscitare.

2. (b) **D**e cetero.] Unde religiones jam fundatae temporibus praesentis constitutionis, etiam absque Sedi Apostolica licentia, everti non debere, probat Zypeus ad hunc tit. consult. 1. & 3.

3. (b) **N**ec unus Abbas pluribus.] Consonant Concil. Agathense can. 38. quod extat apud Gratianum in cap. 5. 20. quest. 1. ibi: *Abbatibus singulis* diversas cellulas, aut plura monasteria habere non liceat. Et can. 57. apud eundem in cap. 4. 21. quest. 1. *Unum Abbatem* diobus monasteriis præsidere interdicimus. Concil. Cabilon. can. 12. apud Ant. Augustinum in epist. jur. lib. 9. tit. 46. Savarus ad Sidonium lib. 7. epist. ult. verbo *Abbas sit;*

ducitur assertio: *Non licet novam religionem* *Constituere sine speciali Pontificis licentia.* Probante *in* *eam* *textus* *in* *cap. unic.* *hoc titul.* *in* *6. cap. unic.* *de* *priv.* *voto,* *codem lib.* Illustrant ultra congetos à Babo, & Garña in praesenti, Suarez tom. 3. de relig. lib. 7. cap. 15. cum sequent. Basilius Legion. lib. 7. de matrim. cap. 11. & quest. 3. scholast. c. 7. Lemaitre lib. 1. de monachis, cap. 12. Landmeter. de veterian. p. 2. lib. 2. c. 2. Petrus Greg. de benef. c. 13. & lib. 13. de Repub. c. 9. & lib. 3. partit. tit. 17. c. 3. Spinola scul. testam. gloss. 3. in princip. n. 4. Barbola de post. Epist. alleg. 26. Solorzanus lib. 4. pol. cap. Azor tom. 1. instit. lib. 11. c. 24. Frances in pafor. regul. p. 3. vot. 7. Petrus Herodius lib. 1. pandet. titul. 2. cap. 8. Macquez in origine Eremit. cap. 14. Bruno Chaffang. de privil. regul. propos. 13. Diana part. II. tract. 1. resol. 25. Cellotius lib. 4. de hierarch. cap. 10. Gibal. tom. 1. scient. can. lib. 2. cap. 3. num. 90.

Sed pro dubitandi ratione in praesenti auctoritionem ita insurgo, ad novam congregacionem tradicionalem erigendam, novum monasterium *construendum* sufficit Episcopi diocesani licentia, cap. quidam 18. quest. 2. cap. de monachis 12. 18. quest. 2. cap. 13. ibi: *Cellulas novas,* aut congregaciones monachorum absque notitia Episcopi prohibemus institui. Refert Antonius Augustinus in epist. lib. 9. titul. 1. & meritò, quia iure communi attento omnia monasteria, & eorum Praepati sunt sub jurisdictione, & dispositione Episcopi. Unde PP. Synodi Tul. in can. 40. & 41. prohibent quemquam in monasterium admitti, aut eorum fecedere, & anachorefin profiteri, sine pravio Episcopi examine: latè probat Fileacus in cap. quanto 7. de offic. Ordin. ergo non rectè in praesenti statuitur, absque Pontificis speciali licentia non licet.